



BULETTIN

Ministério do Ensino Superior, Ciência e Cultura

MESCC

No. 01/ Junho 2018 - Junho 2019

RETRATU ATIVIDADE MESCC TINAN IDA



LIA FUAN HUSI REDASAUN

Maluk Sani Na'in ne'ebé ami hahí, liuhosi Buletin Edisaun Espesiál ida ne'e ami hakarak agradese ba parte hotu-hotu hanesan Gabinete MESCC no Sekretariadu Tekniku FDCH ne'ebe kontribui ona hodi finaliza matéria ho informasaun kona-ba atividade prinsipál Ministériu Ensinu Superior Siénsia no Kultura (MESCC) durante tinan ida nia laran.

Aléinde atu garante transparénsia, prezensa Buletin MESCC iha edisaun espesiál ida bele sai mós nu'udar meius komunikasaun alternativu ida entre publiku ho ministériu rasik, liu-liu oinsa fahe informasaun hotu-hotu ligadu ho planu no política MESCC haktuir orientasaun hosi Primeiru Ministru VIII Governu Konstitusional, durante prosesu dezvoltamentu nasionál ne'ebé mak aliña ho PEDN 2011-2030 nian.

Ikus liu redasaun rekoñese katak produsaun Buletin MESCC iha edisaun espesiál nian ida ne'e seidauk perfektu tanba ne'e ho haraik an husu nafatin krítika no sujestaun konstrutivu hosi sani na'in sira hodi nune redasaun bele hadi'a di'ak liután Buletin sira iha edisaun tuir mai iha futuru. (Antonio Febu)

BULETIN MESCC

No. 01/Juñu 2018 - Juñu 2019

EKIPA REDASAUN MESCC

Responsável Jerál :
Ministru MESCC
Sua Exelencia Sr. Longinhos dos Santos MM

Responsável Redasaun:
Pelágio B.S. da Costa
Marçal da Costa Martins

Editor Textu :
Pelágio B.S. da Costa
Filipe Alves

Jornalista & Fotógrafu :
Marçal da Costa Martins

Grafismu & Layout :
Antonio Febu

Ministériu Ensinu Superior, Siénsia no Kultura
Edifício Casa Verde, Dili, Timor-Leste
(Eis Edifício ALFANDEGA)

KONTEÚDU

Redasaun	2
Lia Menon Ministru MESCC	3
Biografia Ministru MESCC	4
Programa Prioridade MESCC	6
Prioridade MESCC	7
Intervensaun Ministru Iha Graduasaun UNTL	8
Reportajen Atividades MESCC	10-35
Buletin SEAC	37-39

Bulletin ida neê sai hanesan “bulletin primeiru” neêbé publika husi Ministériu Ensinu Superiór, Siénsia no Kultura (MESCC) ho nia objetivu atu habelar atividade sira neêbé dezenvolve ona husi instituisaun ida neê, iha área Ensinu Superiór no Siénsia nian.

Ministériu ida neê harii, liuhosi orgánika oitavu (VIII) Governu Konstitusionál, hetan aprovasaun husi Dekretu-Lei N.º 14/2018, iha loron 17 fulan Agostu nian, no sai hanesan departamentu governu nian neêbé responsável ba konsepsaun, ezelesaun, koordenaun no avaliasaun polítika, neêbé define no hetan aprovasaun husi Konselhu Ministrus, ba área ensinu no kualifikasaun nível superiór, nunêe mós ba área siénsia, teknolojia, arte no kultura.

Iha loron 22 fulan-dezemburu tinan 2018, sei halo iha fulan neen neêbé ha’u assumi, ho onra no responsabilidade, kargu nu’udar Ministru Ensinu Superiór, Siénsia no Kultura. Iha ámbitu ba ha’u-nia funsaun, hetan tulun husi Sekretáriu Estado Arte no Kultura no husi dirijente, hanesan diretór-gerál, diretór nasional no xefe departamentu sira, neêbé maka tranzita husi Governu anterior.

Maski iha difikuldadi, liu-liu implementasaun orsamentu iha rejime duodécimo nian to’o final fulan setembru, ha’u konsidera katak servisu neêbé hala’o ona sai pozitivu teb-tebes, no liu-liu hetan ona apoiu, dedikasaun no empenhu husis dirijente no funcionáriu tomak husi Ministériu nian.

Kona-ba atividade sira neêbé hala’o ona, ha’u hakarak haktuir hanesan tuir mai: (i) hakerek no aprova Lei Orgánika MESCC iha Konsellu Ministru; (ii) preparaun no apresentasaun kona-ba proposta Orsamentu Jerál ba tinan fiskál 2018 no 2019; (iii) implementasaun prosesu de asesu no ingresu ba Ensinu Superiór Públiku ba tinan 2019; (iv) organizaun Semináriu Internasionál ho tema: “eleva qualidade Ensinu Superiór hanesan fatór xave ba akizisaun (foun) kompeténsia graduadu sira iha sociedade ida ho transformasaun”; (v) elabora proposta



Kadernu Enkargu nian atu hala’o Avaliasaun no Lisensiamentu ba Instituisaun Ensinu Superiór foun; no (vi) halo nomeasaun ba Konsellu Jerál husi Institutu Politékniku Betano nian.

Iha ha’u-nia kna’ar, hahu halo mós koordenaun ba atividade Fundu Dezenvolvimentu Kapitál Umanu nian, neêbé halo jestaun ba orsamentu neêbe uza ba halo kapasitasaun rekursu umanu sira, atu nunêe katak, iha loron oin mai, Timor-Leste bele hetan ema neêbé iha kualifikasaun atu responde ba dezafiu sira, neêbé identifika iha Planu Estratéjiku Dezenvolvimentu Nasionál (2011-2030).

Kona-ba área Bolsa Estudu nian, FDCH asina memorandu entendimentu ida kona-ba Programa atribuisaun Bolsa Estudu sanulu (10) ba Telkom University Bandung, Indonesia, ho apoiu hosi kompañia Telkomcel, no hahu husik bolseiru timor-oan hamutuk ruanulu resin rua (22) ba kontinua sira-nia estudu, liu husi apoiu Repúblika Populár Xina, no estudante timor-oan hamutuk sanulu (10), neêbé kontinua sira-nia estudu iha Eskola Profisionál iha Portugal.

Ha’u realiza mós vizita ba Institutu Politékniku Betano (IPB) no akompañia regularmente funsionamentu husi sira-nia atividade, liu husi enkontru regulár ho sira-nia dirijente sira. Iha ámbitu IPB, hala’o asinatura memorandu entendimentu ho Kámara Komérsiu no Indústria Timor-Leste (CCI-TL), atu promove kooperasaun entre instituisaun rua, ho Sentru Nasionál Empregu no Formasaun Profisionál Tibar (CNEFP-Tibar), atu hala’o estájui prátiku ba estudante neenulu (60) husi kursu Konstrusaun Sivil nian.

Iha nível kooperasaun ho parseiru dezenvolvimentu sira, hala’o sorumutu koordenaun oin-oin, liu-liu ho representante sira husi Brasil, China, Cuba, Estados Unidos da América, Indonésia, Israel, Nova Zelândia, Portugal, inklui organizaun sira mak hanesan SEAMEO, SEARCA, UNESCO no Banco Mundial.

Ikus liu, Ministériu ida neê hala’o kna’ar importante, iha nível Ensinu Superiór no Siénsia, atu garante katak instituisaun públika no privada funsiona ho baze ba padraun rigoroza ho qualidade atu kapasita rekursu umanu neêbé kualifikadu tuir nesesidade ita-nia Nasaun nian.

Iha sentidu ida neê, sei fó kontinuidade ba ita-nia responsabilidade, ho empenhu, dedikasaun, kompromisu no servisu ekipa, ho objetivu atu kumpre meta neêbé iha Programa Oitavu (VIII) Governu Konstitusionál.

Obrigado barak, no votu Boas Festas ba Santu Natál no ba tinan foun 2019!

Longuinhos dos Santos
Ministru Ensinu Superiór, Siénsia no Kultura

Biografia



Biografia Ministru Ensinu Superior Siénsia no Cultura, Longuinhos dos Santos, L.Ec.MM

Longuinhos dos Santos, L.Ec.MM, moris iha Munisípiu Bobonaru, Postu Administrativu Maliana, iha loron 4 Julhu 1974, husi aman, Afonso Tae Bere (Matebian) no inan, Argentina da Cunha, oan mane ba daneen (6) husi maun-alin nain sanulu (10), mai husi uma lisan Na'ama, kaben ho Lourdes da Purificação no iha oan mane ida ho naran Alton Leovandro Purificação dos Santos.

Iha nível edukasaun, Longuinhos dos Santos frequenta Ensinu Primária no Ensinu Pré-Sekundáriu (SMPN 2) iha Maliana, iha períodu tinan 1982 to'o 1991, no kontinua kedas ba Ensinu Sekundáriu Públiku (SMEA), iha Munisípiu Liquisa, ne'ebé remata iha tinan 1994.

Durante prosesu libertasaun, Longuinhos dos Santos, ho naran kódiu rezisténsia ELEZON, la bele kontinua nia estudu maibé oferese de'it nia vida joven nian hodi hala'o servisu rede klandestina to'o momentu hahú Referendu, iha tinan 1999.

Tama iha faze tranzisaun ba ukun-a'an, iha tinan 2001, Longuinhos dos Santos hahú hikis nia estudu iha Universidade Nasionál Timor Lorosa'e, iha Faculdade Economia, Kursu Economia no Jestaun, ne'ebé remata iha tinan 2007.

Nun'e, tamba situasaun obriga, oan mane boot tenki fahe ninia tempu extra hodi buka osan atu responde ba nesesidade iha uma laran no ajuda inan faluk Argentina, bainhira nia aman Tae Bere husik hela sira hodi fila ba iha nain maromak nia kadunan santo.

Iha tinan 2001, Longuinhos dos Santos hetan servisu iha kompañia internasionál ho naran Chubb Security, kaer kna'ar hanesan Supervisor. La kleur kompañia ida ne'e troka naran ba Maubere Security no Longuinhos dos Santos kontinua ezerse nia funsaun tanba prestasaun servisu ne'ebé diak hafoin kompañia nomeia nia hanesan dirijente operasionál ba servisu nian.

Iha períodu 2010 no 2011, Longuinhos dos Santos hala'o estudu Mestradu nian iha área Economia no Jestaun husi Universidade Kristen Satya Wacana (UKSW) Sala Tiga, Indonézia.

Iha tinan 2012, hahú hala'o ninia kna'ar hanesan Dosente permanente iha Ensinu Superiór Públiku, iha Universidade Nasionál Timor Lorosa'e (UNTL), no asumi mós pasta hanesan Vise-Dekanu iha Faculdade Economia no Jestaun, Departamentu Komérsiu no Turizmu.

Ho experiénsia politika nato'on, ne'ebé iha no kontribui ona ba prosesu Libertasaun Pátria, Longuinhos dos Santos la lakon esperansa hodi firme nafatin ho nia Belun sira seluk hodi hamutuk harii Partidu Libertasaun Popular (PLP) ho objektivu luta hasoru injustisa no kore Povu sai husi moris kiak ba iha moris prósperu.

Dedikasaun iha Partidu Libertasaun Popular hodi konsolida programa politiku, Longuinhos dos Santos eleitu iha Konferénsia Munisipál hanesan Primeiru Vise-Koordenador Munisípiu Díli, no nafatin hetan fiar iha Kongresu Nasionál Partidu Libertasaun Popular hodi asumi kna'ar hanesan membru estrutura ba Órgaun Komisaun Juridiku Nasionál, mandatu tinan lima (2017-2022).

Aleinde envolvimentu iha kna'ar ne'ebé temi iha leten, Longuinhos dos Santos mós envolve iha kareira profisionál seluk hanesan tuir mai ne'e;

- Responsabilidade ba Komisaun Diálogu ba Reintragasaun Komunitária iha Ai-Mutin (2006);
- Vice-Presidente Órgaun Konsellu Fiskál Federasaun Desporto Akademika Timor-Leste (2013);
- Koordenador ba Faculdade Economia no Jestão iha UNTL hodi servisu hala'o peskiza ho parseiru husi Ministériu Komérsiu Indústria no Ambiente (2014);
- Orientadór Debate Públiku kona-ba Jéneru iha nível Faculdade (2015);
- Presidente Komisaun Organizadora Akademika nian (2016);
- Partisipa iha reuniaun Trilateral Round Table entre Austrália, Timor-Leste no Indonézia iha Charles Darwin University (2017).

Longuinhos dos Santos simu posse husi S. Exa. Presidente Repúblika, iha loron 22 fulan Juñu tinan 2018, hodi asume kna'ar hanesan Ministru Ensinu Superiór, Siénsia no Kultura, iha VIII Governu Konstitusionál, ba períodu 2018-2023.



República Democrática de Timor-Leste
Ministério do Ensino Superior, Ciência e Cultura

PRIORIDADE HUSI MINISTÉRIU ENSINU SUPERIOR, SIÉNSIA NO KULTURA NIAN

Área Ensino Superior no Siénsia

- Infraestruturas
- Implementasaun ba Política Nasional Ensino Superior
- Implementasaun ba Kurrikulu Padraun Mínimu
- Reforsa Kondisaun ba funsionamentu IPB
- Reforsa Kondisaun ba funsionamentu INCT
- Jestaun no Monitorizasaun ba Bolsa Estudu

Área Kultura

- Hari'i Akademia Arte no Indústria Kriativa Kultura nian
- Hari'i Biblioteka no Museu Nasional
- Promove atividade cultura nian no Promosaun no preservaun ba Patrimóniu Kulturál sira
- Promove atividade sira iha área Biblioteka no Muzeu nian.





ENKONTRU INFORMAL HO S. EXA. PRIMEIRU MINISTRU TAUR MATAN RUAK

DÍLI, 7 MARSU 2019: Sua Exelénsia Ministru Ensinu Superiór, Siénsia no Kultura (MESSK), Longuinhos dos Santos, halo enkontru informal ho S. Exa. Primeiru-Ministru, Taur Matan Ruak, iha Palácio do Governo, Díli.

Objetivu husi sorumotu ida nêe, hodi diskute kona-ba implementasaun prioridade sira husi programa VIII Governu Konstitusionál ba área ensinu superiór nian.

VIII Governu Konstitusionál hakarak atu hadi'a kualidade, liu husi investimentu iha infraestrutura, aprovasaun lejislasaun ne'ebé importante teb-tebes ba regulamentasaun sistema nian, definisaun Polítika Nasionál ba Ensinu Superiór no promosaun diálogo konstrutivu ho Instituisaun hotu-hotu iha Ensinu Superiór, pública no privada sira, liu husi implementasaun Konsellu Reitor sira.

Governu hakarak mós halo estudu viabilidade ida atu harii Sidade Universitária iha Aileu, fó kontinuasaun ba ekspanssaun Kampus Universitáriu Hera nian, promove avaliasaun konaba kualidade no akreditasaun ba estabelesimentu Ensinu Superiór nian, liu hosi hakbi'it ANAAA, no reforsa Institutu Nasionál Siénsia no Teknolojia atu dezenvolve, rejista no publika ka divulga sira nia peskiza husi investigasaun sientífika nian iha no kona-ba TimorLeste.

Prioridade bo'ot ida mós, mak liu husi reforsa no habelar Ensinu Superiór Tékniku, hanesan hadi'a kondisaun infraestrutura sira, hadian konaba jestaun no ensinu iha Institutu Politékniku Betano nian no kriasaun ba Institutu Superiór Politékniku Otelaria no Turizmu, Lospalos, no Akademia Peska no Estudu Mariñu, iha Manatuto.



INTERVENSAUN MINISTRU ENSINU SUPERIOR, SIÊNSIA NO KULTURA IHA SERIMÓNIA GRADUAÇÃO UNTL, REPREZENTASAUN S. EXA. PRIMEIRU-MINISTRU. 14 JUÑU 2019

Exelência, Señora no Señor sira hotu mak hau respeito,

Maske ita nia nasaun sei hasoru dezafu barak iha nível Ensino Superiór no konstranjimentu iha nível desenvolvimentu sientífiku nasional, ita fiar katak ita nia Nasaun bele no tenke iha tan siênsia no koñesimentu sira.

Atu ida neê bele sai realidade ida presiza promove, insentiva, estimula no fó valor ba atividade investigasaun no peskiza nian. Atividade investigasaun no peskiza sira tenke sai hanesan pratika ka kultura loron-loron ba estudante, dosente no dirijente sira iha instituisaun Ensino Superiór laran.

Estudante sira presiza iha referênsia barak liu hosi peskisa, investigasaun, leitura livru iha biblioteca atu bele hadi'a no atinje imi-nia koñesimentu.

Dosente sira presiza hadi'a nafatin imi-nia koñesimentu no ida neê so bele akontese liu hosi atividade investigasaun no peskiza. Dirijente sira presiza hatene téknika no metodolojia foun kona-ba jestaun atu bele kontribui ba efikásia no efisiênsia iha jestaun instituisaun nian. Ida neê so bele akontese liu hosi atividade investigasaun no peskiza.

Ajente edukasaun sira, liu-liu profesór sira, tenke valoriza no promove pratika investigasaun. Laós de'it fó hanorin no pasa matéria ba estudante sira. La iha karreira dosente ida neêbé liu de'it sem iha produsaun sientífika. Ida neê só bele posível wainhira iniciativa investigasaun no peskiza neêbé hetan valorizasaun.

Ita presiza katak dosente instituisaun ensinu superiór halo peskiza no tulun atu buka solusaun ba problema neêbé afeta ita-nia Nasaun no ita-nia sociedade. Só hanesan neê maka ita bele koloka Siênsia no Koñesimentu ba ita-nia servisu hodi tulun no desenvolve ita-nia rail. Ho nunê, Oitavu (VIII) Governu Konstitusionál considera importante tebes harii sistema ida atu insentiva dosente husi ensinu superiór hodi halaò atividade investigasaun ho regularidade.

Governu hakarak desenvolve lalais INCT – Konsellu Ministru nomeia ona, iha fulan abril, Prezidente no Vise-prezidente Konsellu Ezekutivu INCT nian – atu nunê INCT sai hanesan instituisaun prinsipal atu promove no divulga atividade sira kona-ba investigasaun.

Ho nunê, Governu hakarak katak INCT bele iha fundu ka orsamentu ida, tinan-tinan, hodi finansia atividade peskiza no investigasaun. Atu ezejuta fundu ida-neê sei define kritériu didi'ak no sei fó dalan ba dosente sira husi instituisaun ensinu superior públiku no privadu bele kandidata a'an no aproveita fundu ida neê atu desenvolve atividade investigasaun no peskiza.

Exelência, Señora no Señor sira hotu mak hau respeito,

Hodi naran husi Ministériu Ensino Superiór, Siênsia no Kultura, ha'u hakarak hato'o ha'u-nia parabeins ba estudante finalista sira neêbé remata sira-nia kursu.

Hakarak mós hato'o parabeins ba graduadu sira-nia família hotu, maske hasoru difikuldade ka dezafiu oin-oin, imi hotu suporta nafatin imi-nia oan sira atu bele alkansa oportunidade ida atu desenvolve no hetan sira nia koñesimentu akadémiku.

Serimónia ba loron ohin nian marka inísiu etapa foun ida ba imi-nia vida moris nian. Hahu ohin, imi nia misaun mak atu hahú tau iha pratika, koñesimentu neêbé imi hetan.

Ohin, estudante sira misaun mak atu tulun no bele kontribui ba prosesu desenvolvimentu nasional. Kontribui ba prosesu desenvolvimentu nasional ida neê, nomós iha espíritu iniciativa atu sai empriendedorizmu no buka oportunidade foun ba halaò negósio.

Molok atu hakotu ha'u-nia intervensaun, ha'u hakarak, dala ida tan, agradese ba kontribuisaun husi UNTL, liuliu Korpu Dosente, neêbé fó formasaun ba estudante sira neêbé iha kompetênsia no abilidade atu bele kontribui ba desenvolvimentu nasional no tulun Timor-Leste atu bele moris iha sociedade neêbé justu no ekuitativa.

Dedikasaun no empenhu hotu neêbé imi hotu fó, sai hanesan papel importante atu hadi'a qualidade Ensino Superiór iha Timor-Leste no lori Universidade ida neê hodi sai hanesan referênsia no iha naran iha nível nasional no iha rejiaun Ázia nian. Obrigadu barak.



MINISTRU SAI INSPETÓR SERIMÓNIA BA LORON KOMEMORASAUN TINAN 43 PROKLAMASAUN INDEPENDÉNSIA RDTL IHA MUNISÍPIU BOBONARO

Ministru Ensinu Superiór, Siénsia no Kultura (MESCC), Longinhos dos Santos, sai inspetór serimónia ba loron komemorasaun tinan 43 Proklamasaun Independénsia RDTL iha Postu Administrativu Atabae, Munisípiu Bobonaro, ho tema “Ho espírito aniversáriu Proklamasaun Independénsia RDTL ba dala-43, ita hamutuk harii nasaun tuir Timor-Leste nia identidade rasik”. Iha serimónia ba komemorasaun neê, Ministru Ensinu Superiór, Siénsia no Kultura hato’o mós diskursu S. Exa. Prezidente Repúblika RDTL nian ba povu Munisípiu Bobonaro liuliu povu Postu Administrativu Atabae.

Partisipa iha Komemorasaun loron Independénsia neê Prezidente Autoridade, Komandante Munisípiu Bobonaro, Veteranus, Autoridade Lokál, Diretór no mós Komunidade sira. Hafoin remata serimónia, Ministru koalia ba jornalista sira no hato’o mós parabens ba povu Timor-Leste, liuliu ba comunidade Atabae neêbé mak celebra ona loron Proklamasaun Independénsia ba dala hat nulu resin tolu iha tinan ida neê.



MINISTRU VIZITA RAI NE'EBÉ KOMUNIDADE MANATUTU OFERESE ATU HARI AKADEMIA PESKAS NO ESTUDUS MARIÑUS IHA MANATUTU

Ministru Ensinu Superiór, Siénsia no Kultura, Longuinhos dos Santos, akompaña husi Superintendente Edukasaun Manatutu, Dra. Agripina Morais, no Funsionáriu Edukasaun Manatutu, hakat hodi haree rai ho ektáres atus ida ne'en nulu resin hat (164), ne'ebé mak tuir planu atu harii Akademia Peskas no Estudus Mariñus iha Munisipiu Manatutu.

Objetivu vizita ida ne'e, atu Ministru Ensinu Superiór, Siénsia no Kultura bele hatene kondisaun réal kona-ba lokál ne'ebé prevee ba harii Akademia Peskas no Estudus Mariñus, tanba obra refere kontempla ona iha Planu Estratéjiku Dezenvolvimentu Nasionál nian.



MINISTRU PARTISIPA IHA SESAUN ABERTURA SEMINÁRIU INTERNASIONAL ENSINU SUPERIOR

Ministériu Ensínu Superior, Siénsia no Kultura organiza Semináriu ho tema: “Eleva Kualidade Ensínu Superior hanesan fatór xave ba akizisaun (foun) kompeténsia graduadus ba sosiedade ida ho transformasau”.

Iha Semináriu ida neê, Ministériu konvida Oradór Internasionál, neêbé mai husi nasaun hanesan Austrália, Alemanha, Malásia no Indonésia, no Oradór Nasionál balun.

Semináriu ida neê, halaò durante loron rua - 22 no 23 novembru 2018 -, no hetan partisipasaun

husi eis membru Governu balun, Magnífiku Reitor no estudante sira husi Insituisaun Ensínu Superior no mós Sosiedade Sivil.

Iha diskursu abertura, Ministru hatete kona-ba importánsia ba “investimentu iha Ensínu Superior, Siénsia no Teknolojia, hanesan aliserse fundamental atu bele ultrapasa ba falta rekursu-umanus kualifikadu iha setór neêbé konsidera importante, mak hanesan: Agrikultura, Saúde no Edukasaun”.

Objetivu Semináriu ida neê, atu promove no hakbit diskusaun no diálogu kona-ba nesesidade

Institusaun Ensínu Superior públiku no privadu prepara estudante sira ho kompeténsia di'ak, hodi bele responde ba eziénsia neêbé iha merkadu traballu (tempu globalizasaun nian) no atu bele identifika estratéjia saída maka prioridade liu, nunê bele kontribui ba dezvoltamentu atu eleva kualidade iha Insituisaun Ensínu Superior sira iha Timor-Leste;



MINISTRU HO SEAK HALA'O AUDÊNSIA HO DEPUTADU SIRA HUSI KOMISAUN G IHA PARLAMENTU NASIONÁL

Atu apresenta ezelesaun Orsamentu Jeral Estadu (OJE) ba tinan 2018 no Proposta OJE ba tinan 2019, mak iha dia 26 Novembru Dirijente sira husi Ministériu Ensinu Superiór, Siénsia no Kultura halo audénsia ho Deputadu sira husi Komisaun G.

Ministru Ensinu Superiór, Siénsia no Kultura (MESCC), Dr. Longuinhos dos Santos, no Sekretáriu Estadu Arte no Kultura (SEAK), Sr. Teófilo Caldas, akompaña husi dirijente, tékniku no asesór sira, hala'o sorumutu ho Deputadu sira husi Komisaun G Parlamentu Nasionál nian, ne'ebé trata asuntu kona-ba Edukasaun, Juventude, Kultura no Sidadania.

Iha audénsia ida ne'e, ne'ebé lidera husi Prezidente Komisaun G, Deputada Albina Marçal Freitas, Ministru Ensinu Superiór, Siénsia no Kultura no Sekretáriu Estadu Arte no Kultura apresenta rezultadu ezelesaun orsamentál ba tinan 2018 no proposta Orsamentu Jerál ba tinan 2019.

Membru Komisaun G hatoo pergunta, sujestaun no preokupasaun balun kona-ba ezelesaun OJE 2018 no mós kona-ba proposta OJE 2019.



SERIMÓNIA LANSAMENTU PROSESU ASESU INGRESU BA ENSINU SUPERIÓR PÚBLIKU BA TINAN 2019

Iha dia 3 Outubru 2018, Ministériu Ensину Superior, Siénsia no Kultura, liu husi Ministru Longuinhos dos Santos, hahú diseminaun informasaun kona-ba prosesu asesu no ingresu ba Ensину Superior Públiku ba estudante foun iha tinan letivu 2019, liu-liu ba Universidade Nasionál Timor Lorosaê (UNTL) no Instituto Politécnico Betano (IPB) nian. Serimónia lansamentu halaõ iha salaun Ministériu Edukasaun Munisípiu Baucau.

Hanesan mós iha tinan uluk nian, elabora no aprova manuaál operasionál neêbé define ema hirak neêbé responsavel husi entidade ida-idak neêbé envolve, kanál asesu nian, rekeztu admisaun nian, faze no kalendáriu kona-ba implementasaun no número vaga neêbé disponivel ba Ensину Superior públiku iha tinan 2019. Ho objetivu atu promove prinsipíu igualdade kona-ba oportunidade neê, harí tiha ona kanál oin tolu atu hetan asesu ba Ensину Superior públiku, liu-liu:

- Kanál A ka hanaran Rejime Jerál: fo fatin ba finalista husi ensinu sekundáriu, koresponde ba 70% husi totál vaga neêbé estabesele ba Ensину Superior Públiku;



- Kanál B, ka hanaran Rejime Espesiál: fo fatin ba kandidatu sira neêbé mak sei iha situasaun exsesionál, koresponde ba 15% husi totál estabesele ba Ensину Superior Públiku;

- Kanál C ka hanaran Rejime Oportunidade: fo fatin ba sidadaun timoroan sira neêbé maka remata ensinu sekundáriu iha tinan haat (4) ba kotuk, koresponde 15% husi totál vaga neêbé estabesele ba Ensину Superior públiku.

Kona-ba número vaga sira neê, informa katak hetan ona aprovasaun ba vaga hamutuk 3.131 no vaga hirak neê hanesan fahe tuir mai:

Iha dia 3 Outubru 2018, Ministériu Ensину Superior, Siénsia no Kanál B, ka hanaran Rejime Espesiál: fo fatin ba kandidatu sira neêbé mak sei iha situasaun exsesionál, koresponde ba 15% husi totál estabesele ba Ensину Superior Públiku;

- Kanál C ka hanaran Rejime Oportunidade: fo fatin ba sidadaun timoroan sira neêbé maka remata ensinu sekundáriu iha tinan haat (4) ba kotuk, koresponde 15% husi totál vaga neêbé estabesele ba Ensину Superior públiku.

Kona-ba número vaga sira neê, informa katak hetan ona aprovasaun ba vaga hamutuk 3.131 no vaga hirak neê hanesan fahe tuir mai:

KANAL BA ASESU	Persentajem (%)	UNTL	IPB	TOTAL VAGA SIRA
		N.º vaga sira	N.º vaga sira	
Kanál A – Rejime Jerál	70	2.051	140	2.191
Kanál B – Rejime Espesiál	15	440	30	470
Kanál C – Rejime Oportunidade	15	440	30	470
Total	100	2.931	200	3131



MINISTRU ENSINU SUPERIÓR, SIÊNCIA no KULTURA HALA'O SOROMOTU HO BANKU MUNDIÁL



DÍLI, 30 Outubru 2018: Ministru Ensinu Superiór, Siência no Kultura, Longuinhos dos Santos, hala'o soromotu ho Ekipa Banku Mundial, lidera ba husi Toby Linden (practice Manager of Education Asia Pasific).

Enkontru ida ne'e, iha objetivu atu Banku Mundial hetan informasaun detallada kona-ba Programa VIII Governo nian ba área Ensinu Superiór, Siência no Kultura ne'ebé hanesan Ministériu foun.

Ida biban ida ne'e, Banku Mundiál mos hakarak atu fó tulun atu haree possibilidade atu asegura deenvolvimentu kapasidade no formasaun adekuada ba futuru dosente sira iha rai laran.



MINISTRU HALA'O LANSAMENTU BA KORESAUN EZAME HUSI KANDIDATU UNTL NO IPB BA TINAN 2019

Iha 19 Dezembru 2018, Ministru Ensinu Superiór, Siénsia no Kultura (MESCC), Longuinhos dos Santos, hala'o lansamentu koresaun ezame husi kandidatu ne'ebé hakarak tama, iha tinan 2019, ba Ensinu Superiór Públiku: Universidade Nasional Timor Lorosa'e (UNTL) no Institutu Politekniku Betanu (IPB). Serimónia ida ne'e, hala'o iha edifisiu Ministeriu Edukasaun, Juventude Desportu, Vila-Verde.

Koresaun ida ne'e hahu ohin no hala'o durante loron sanulu (10) nia laran. Kandidatu sira ne'ebé halo ezame Asesu no Ingresu, hamutuk rihun hat atus ne'en sia nulu resin ne'en (4.696: Mane - 2325; Feto - 2371), iha área tolu hanesan tuir mai:

- Siénsia no Teknolojia: Mane - 1195; Feto - 1457 ; Totál hamutuk – 2652 (representa 56% husi total área hotu-hotu);
- Siénsia Sosiál no Umana: Mane - 805; Feto - 755 ; Totál hamutuk – 1560 (representa 33% husi total área hotu-hotu);
- Ensinu Sekundáriu Tékniku Vokasionál: Mane - 325; Feto - 159 ; Totál hamutuk – 484 (representa 11% husi total área hotu-hotu);



PARLAMENTU NASIONÁL APROVA PROPOSTA OJE 2019 BA MINISTÉRIU ENSINU SUPERIÓR SIÉNSIA NO KULTURA

Iha 18 Dezembru 2018, Parlamentu Nasionál, liuhusi diskusaun espesialidade Orsamentu Jerál Estadu (OJE) ba tinan 2019, aprova ona proposta orsamentu ba Ministériu Ensinu Superiór, Siénsia no Kultura (MESCC) ho rezultadu votasaun: A favor – 37; Kontra - 0 no Abstensaun – 21.

Total OJE ba tinan 2019 neêbé atribui ba MESCC hamutuk \$7.125.000 no aloka iha kategoria hanesan tuir mai:

- Saláriu no Vensimentu - \$2.223.000
- Bens Servisu - \$3.986.000
- Transferénsia Públika - \$117.000
- Kapitál Menor - \$618.000
- Kapitál Dezenvolvimentu - \$180.000





DISKURSU MINISTRU LONGUINHOS DOS SANTOS IHA GRADUASAUN ESTUDANTES UNPAZ

Oitavu (VIII) Governu Konstitusionál iha ninia objetivu prinsipál neêbé kualidade ensinu superiôr, tanba neê presiza kria kondisaun ba formasaun akadêmika estudante sira hatan ba nesesidade País nian iha nível rekursu umanu neêbé kualifikadu, liuliu iha setór estratéjiku husi Enjeñaria, Turismu no Otelaria, Agrikultura no Peska.

Ami mós hakarak katak oferta edukasaun ensinu superior bele iha desentralizasaun, ho forma ida neêbé justu no tuir perfil dezinvolvimentu rejiaun ida-idak nasaun nian.

Nunêe, Governu ida neê hakarak atu harii sidade Universitária Aileu no hadi'a kondisaun infraestrutur ba instituisaun Ensinu Superior públiku, no loke Instituisaun foun, hanesan Institutu Politékniku Otelaria no Turizmu, iha Lospalos, no Akademia Peskas no Estudu Mariñu nian, iha Manatuto.

Hakarak atu aproveita oportunidade ida neê atu hatoo ba Dirijente no responsável sira husi instituisaun Ensinu Superiôr públika no privada bele iha servisu hamotuk ho Ministériu Ensinu Superiôr, Siénsia no Kultura no Ajénsia Nasionál Avaliasaun no Akreditasaun Akadêmika (ANAAA) iha implementasaun avaliasaun institusionál no programátiku nian.

Ho nunêe, implementasaun Kurrikulu Padraun Mínimu no avaliasaun regulár ba instituisaun sira, bele hadi'a defisiénsia kursu sira nebeê hanorin no hadian kualidade husi Ensinu Superior.

Maske iha dezafiu barak atu atinji meta neêbé Ensinu Superiôr iha Timor-Leste bele kapasita

ita-nia rekursu umanu kualifikadu, neêbé bele hatán ba nesesidade nasaun nian no sai kompetitivu iha nível rejionál no internasionál.

Ita presiza servisu hamutuk no implementa medida hirak neêbé adekua ba nesesidade ita nia sistema no ita nia nasaun nian.

Bele konta mos ho abertura, komitmentu no esforsu husi Oitavu (VIII) Governu Konstitusionál, ho nia programa polítiku, atu bele kria kondisaun atu hadi'a situasaun atuál iha Ensinu Superiôr iha Timor-Leste. Ho razaun ida neê, Governu kria Ministériu Ensinu Superiôr, Siénsia no Kultura, haketak a'an hosi Ministériu Edukasaun Juventude no Desportu, tanba ita fiar katak Ensinu Superiôr presiza hetan atensaun espesífika. Maluk no konvidadu sira mak hau respeito, Hau Hakarak tatoli hela hau nia liafuan ba alin estudante sira neêbé ohin graduadu ona.

Ohin loron importante ida ba imi hotu, basá imi ida neê simboliza hakotu imi nia akadêmiku. Parabens ba imi hotu neêbé kompleta imi-nia kursu no alkansa susesu hirak neê.

Hahú ohin, emabarakhusi imisei hetan oportunidade atu bele kontribui ba dezinvolvimentu ba ita nia nasaun, liu-hosi koñesimentu no koñesimentu neêbé sei falta buat barak iha imi-nia formasaun.

Maske nune 'e, ita hotu hatene katak laós fásil atu hetan lalais servisu ida neêbé estável. Importante mós katak iha konsiénsia neêbé Governu la konsege simu estudante hotu-hotu atu kompleta formasaun iha nível superiôr. Ita presiza atu dezinvolva setór privadu sira atu nuneê ita nia Nasaun bele hetan dezinvolvimentu ekonómiku ho forma sustentável ho nuneê hahu hamenus ita nia dependência ba reseita minarai.

Nunêe, há'u halo apelu ba graduadu sira hotu neêbé responsável, profisionál, no liu buat hotu-hotu, tenke sai empreendedor sira no tenke koko atu hamosu imi-nia negósio rasik. So, nunêe, bele kontribui ativa ba dezinvolvimentu rain doben ne 'e.

Há'u hakarak husik mós mensajen ba família husi estudante graduadu sira hotu, neêbé fo apoiu durante sira-nia estudu/perkursu. Serimónia ohin simboliza esforsu no komprova katak sakrifisiu hetan rezultadu diak. Tanba neê família sira mós merese atu hetan parabens.

Ikus liu no molok atu hakotu, há'u hakarak louva dala ida tan ba kontribuisaun Universidade da Paz ba dezinvolvimentu Ensinu Superiôr, hodi asegura formasaun ho matenek no humanismu husi estudante sira neê ho lema "Sapientiae et Humanismu" kopera hamotuk ho Ministériu Ensinu Superiôr, Siénsia no Kultura ba implementasaun política neêbé bele alkansa meta husi sosiedade ida ne 'e livre, justu no imparsial. Obrigado barak.



MINISTRU HALO ABERTURA BA SEMINÁRIU APREZENTASAUN ESBOSU KADERNU ENKARGU BA LISENSIAMENTU INSTITUISAUN ENSINU SUPERIÓR FOUN

Iha 17 Dezembru 2018, Ministru Ensину Superiór, Siénsia no Kultura (MESCC), Longuinhos dos Santos, halo abertura ba Semináriu apresentasaun no diskusaun kona-ba esbosu Kadernu Enkargu ba lisensiamentu Instituisaun Ensину Superiór foun, iha Salaun Aikurus-Binani Komisaun Funsau Públika iha Matadoru.

Objetivu husi sorumotu ida ne'e, atu halo desiminaun kona-na esbosu kadernu enkargu no bele hetan apresiasaun no sujestaun husi partisipante sira molok aprova hodi halo publikasaun.

Semináriu refere, halaõ durante loron ida no hetan partisipasaun husi Administrador Munisípiu, Diretór Edukasaun Munisípiu, Magnífiku Reitór, Dekanu no korpu dosente sira, inklui Prezidente Fundasaun no konvidadu sira seluk.



MINISTRU HALO LANSAMENTU OFISIÁL BA AVALIASAUN NO AKRED-ITASAUN PROGRAMÁTICA HUSI ANAAA IHA TINAN 2018

Kursu ne'ebé mak sei hola parte iha prosesu ida ne'e hamutuk tolu nulun resin rua (32), husi UNTL, UNPAZ, UNDIL, UNITAL, DIT, IOB, ETCI, ISC no ICR. Iha prosesu ida ne'e mós ANAAA envolve Avaliadór Nasionál nain tolu nulu resin tolu (33) no Avaliadór Internasionál nain sia (9).

Atividade ida ne'e iha objetivu atu halo avaliasaun ba kursu Baxarelatu no Lisensiatura nian, hamutuk tolunulu resin rua (32) iha área siénsia sosiál no polítika, siénsia saúde, agrikultura no direitu nian.

Hafoin remata lansamentu ne'e, iha entrevista ho jornalista sira S. Exa Ministru hateten, "lansamentu ne'e atu halo avaliasaun no akreditasaun programátika iha tinan 2018 no

Kursu ne'ebé mak atu halo avaliasaun mak hamutuk tolu nulun resin rua (32) iha nível Baxarelatu no Lisensiatura nian, ne'ebé mak mai husi área sosiál no polítika, siénsia saúde, agrikultura no direitu nian".

Ministru hatete mós "kritériu sira ba programa ne'e estabelese ona iha Manual ba Avaliasaun liu husi ekipa avaliadór Nasionál no Internasionál.

Oras ne'e dadaun hahu faze formasaun, depois remata formasaun mak tama ba iha faze avaliasaun ba iha universidade iha Timor laran tomak ne'ebé mak seidak hetan akreditasaun programátika".



MINISTRU ENSINU SUPERIOR, SIËNSIA NO KULTURA SIMU VIZITA KORTEZIA HUSI VISE-MINISTRU RELASAUN EXTERIOR CUBA

Dili, Sesta-feira (12/10/2018): S.E. Ministru Ensinu Superiór, Siénsia no Kultura (MESCC), Longuinhos do Santos, MM., akompaña husi Seketáriu Estadu Arte no Kultura, Sr. Teófilo Caldas, simu vizita husi Vise-Ministru Relasaun Exterior hosi Cuba, Dr. Marcelino Medina, iha Ministériu, Vila Verde.

Iha enkontru ne'e, Ministru no Vise-Ministru Relasaun Exterior hosi Cuba diskute kona-ba possibilidade atu reforsa programa kooperaun iha área ensinu superiór no kultura, tuir prioridade sira VIII Governu Konstitusionál.

Vise-Ministru Relasaun Exterior hosi Cuba hatudu disponibilidade totál ba kontinua simu estudante timor oan iha Cuba no atu diskuti kona-ba dezvoltamentu programa kooperaun foun liu-liu iha área Kultura.

Enkontru ida ne'e partisipa mós Embaixador Cuba ba Timor-Leste, membro komitiva husi Cuba no Asesór sira.



MINISTRU SAI SASIN BA ASINATURA MEMORANDUM ENTENDIMEN- TU ENTRE IPB HO MAP

MANUFAHI, SESTA, 24 MAIU 2019: Ministru Ensinu Superiór, Siénsia no Kultura (MESCC), Longuinhos dos Santos, sai sasin ba asinatura Memorandu entre Institutu Politékniku Betanu (IPB) ho Ministériu Agrikultura no Peskas (MAP).

Munisipiu Manufahi, Komandante PNTL husi Munisipiu Manufahi, Komandante F-FDTL Postu Betanu, Xefe de Suku Betanu no estudante sira.

Serimónia ida neê halo iha Edifisiu IPB Kay Rala Xanana Gusmão-Betanu no Memorando asina direta husi Ministru Agrikultura no Peskas, Eng. Joaquim José Gusmão dos Reis Martins, ho Prezidente Institutu Politékniku Betanu (IPB), Sr. Acácio Cardoso.

Memorandu Entedimentu ida neê iha objetivu atu reforsa kooperasaun entre Ministériu Agrikultura no Peskas (MAP) no IPB iha área agrikultura nian, liuliu:

Iha dezvoltamentu hamutuk husi rekursu umanu no teknolojia, liu husi jestaun koñesimentu, kualifikasaun no espesializasaun iha área professioal sira kona-ba agrikultura;

Kapasitasaun no profisionalizasaun husi joven agrikultór sira no promosaun husi agrikultura orientadu ba komersializasaun;

Dezenvolvimentu husi asaun peskiza sira iha área agrikultura profisionál, estensaun husi agrikultura no tema seluk neêbê relevante;

Partisipa iha serimonia neê, Diretóra-Jerál Ensinu Superiór, Diretór Jerál Agrikultura no Peskas, Administradór





MINISTRU HALO DESPEDIDA BA ADIDU NO ASISTENTE ADIDU EDUKASAUN

DÍLI, SEGUNDA, 29 ABRIL 2019: Ministru Ensinu Superiór, Siénsia no Kultura, Longuinhos dos Santos, hala'o serimónia despedida ba Adidu no Asistente Adidu Edukasaun sira, ne'ebé mak sei desloka ba halo sira nia servisu iha rai li'ur hanesan Portugal, Brasil, Cabo-Verde no Indonésia.

Hafoin remata serimónia ida ne'e, Ministru husik hela mensajen ida ba Adidu no Asistente Adidu Edukasaun sira katak ne'ebé halo kna'ar hodi bele akompaña estudante sira iha rai li'ur no reprezenta Timor-Leste.

Ho nunee, MESCC husu ba Adidu no Asistente sira ne'ebé tenke halo servisu ho dedikasaun, onestidade no transparénsia, ho prioridade prinsipál atu tulun estudante sira durante sira nia perkursu akadémiku.





MINISTRU PARTISIPA SESAUN PLENÁRIA IHA PARLAMENTU NASIONAL

DÍLI, TERSA, 26 FEVEREIRU 2019: Ministru Ensinu Superiór, Siénsia no Kultura (MESCC), Longuinhos dos Santos halo apresentasaun iha Uma Fukun Parlamentu Nasional.

Durante Apresentasaun Ministru Ministru Ensinu Superiór, Siénsia no Kultura (MESCC), Longuinhos dos Santos, akompaña husi Sekretáriu Estadu Arte no Kultura, Teófilo Caldas, Sekretáriu Estadu Asuntu Kombatentes husi Libertasaun Nasionál, Sr. Gil da Costa Monteiro “Oan Soru”, no Magnífiku Reitór UNTL, Francisco Miguel Martins.

Asuntu importante ne’êbe ható’o durante Sesaun Plenária iha Parlamentu Nasionál maka MESCC ható’o informasaun no esklarese kona-ba prosesu Asesu no Ingresu ba Ensinu Superiór públiku iha tinan 2019, liuliu husi Kanál B (Rejime Espesiál).





MINISTRU HALA'Ō KONSULTA ALARGADA KŌBA-BA PROGRAMA ATU HARII SIDADE UNIVERSITÁRIA AILEU

AILEU, KINTA, 28 MARSU 2019: Ministru Ensinu Superiór, Siénsia no Kultura (MESCC), Longuinhos dos Santos, akompaña husi ekipa téknika halo konsulta alargada kona-ba realizasaun Estudu Viabilidade atu harii Sidade Universitária iha Munisípiu Aileu.

Konsulta alargada ida ne'e, hala'ŋ iha Salaun Administrasaun Munisípiu Aileu no hetan partisipasaun husi Administradór Munisípiu Aileu, Administradór Postu, Autoridade lokál, veteranus no comunidade sira.

Iha diskusaun durante oras rua nia laran no partisipante sira responde ba pergunta sira ne'ebé mak prepara husi téknika sira. Konklusaun finál konsulta ida ne'e, participante hotu fó apoiu máximu atu harii Sidade Universitária iha Munisípiu Aileu.



MINISTRU ENSINU SUPERIOR, SIÉNSIA NO KULTURA PARTISIPA IHA SERIMÓNIA INAUGURASAUN EDIFISIU FOUN HUSI ETCI

GLENO, Sabadu, 05 Janeiro 2019: Xefe Negosiador Prinsipal Fronteira Maritima, Sr. Kay Rala Xanana Gusmão, akompaña husi Ministru Ensinu Superior, Siénsia no Kultura, Sr. Longuinhos dos Santos, ho Ministra Edukasaun, Juventude no Desportu, Dra. Dulce Soares, inagura edificiu foun husi East Timor Coffee Institute (ETCI) iha Gleno Munisipiu Ermera.

Iha Okaziaun Neê Xefe Negosiador Prinsipal Fronteira Maritima, Sr. Kay Rala Xanana Gusmão hamutuk ho Ministru Ensinu Superior, Siénsia no Kultura, Sr. Longuinhos dos Santos Asina mos plaka ba edificiu East Timor Coffee Institute (ETCI).



MINISTRU ENSINU SUPERIÓR, SIÉNSIA NO KULTURA HALA'O ENKONTRU HO EMBAIXADÓR RDTL IHA CUBA

DÍLI, KINTA, 28 FEVEREIRU 2019: Ministru Ensinu Superiór, Siénsia no Kultura, Longuinhos dos Santos, hala'o enkontru ho Embaixadór Timor-Leste iha Cuba, Sr. Maubere Lorosaê da Silva Horta, no Adidu Edukasan, Siénsia no Kultura ba Cuba Hermenegildo Custodio da Silva.

Objetivu husi sorumotu ida ne'e, hodi Ministru bele rona informasaun husi diplomata sira kona-ba pontu situasaun estudante bolseiru (25) ne'ebé estuda iha Universidade Pedagójika.

Enkontru ida ne'e, hala'o iha Sala Enkontru Ministériu Ensinu Superiór, Siénsia no Kultura, iha Colmera, no hetan mós partisipasaun husi Koordenora Gabiente Apoiou Estudante no asesór sira.

MINISTRU ENSINU SUPERIÓR, SIÉNSIA NO KULTURA HETAN VIZITA HUSI SEKRETÁRIA ESTADU NEGÓSIU ESTRANJEIRU NO KOOPERASAUN PORTUGAL




Dili, Tersa-feira (09/10/2018) : Ministru Ensину Superiór, Siénsia no Kultura (MESCC), Longuinhas do Santos, akompaña husi Seketáriu Estadu Arte no Kultura, Teófilo Caldas, simu vizita husi Sekretária Estadu Negósiu Estranjeiru e Kooperasaun Portugal (SENEK), Dra. Teresa Ribeiro, iha Ministériu, Vila Verde.

Iha enkontru neê, Ministru no Sekretária Estadu koalia kona-ba Programa Estratéjiku Kooperasaun ba periodu 2018-2023 entre Timor-Leste no Portugal iha setór Ensину Superiór no Kultura, liu-liu kona-ba apoiu insituisaun Ensину Superiór publiku (UNTL no IPB), expansaun Centro de Língua Portuguesa iha UNTL, apoiu ba kapasitasaun funsionáriu sira ba futura Biblioteca Nasionál no mós apoiu ba instalasaun Akademia Arte no Indústria Kriativa Kultural. Hafoin remata enkontru, iha mós sesaun troka prendas entre S.E. Ministru no Sekretária Estadu.

Enkontru ida neê partisipa mós Embaixador Portugal ba Timor-Leste, Sr. José Pedro Machado Vieira, Adida Koperasaun Embaixada Portugal, Asesór husi SENEK, Diretora-Jerál Ensину Superiór, Diretora-Jerál Arte no Kultura no Asesór sira.





MINISTRU SIMU VIZITA KORTEZIA HUSI DELEGASAUN HUSI JIANGSU- XINA



Dili, 29 fulan Marsu 2019: Ministru Ensinu Superiór, Siénsia no Kultura (MESCC) halaò sorumotu ho Delegasaun husi Jiangsu, neêbé lidera husi Dr. Zhang Songping, nu'udar Vise-Diretór Jerál Assuntus Negósiu Estranjeiru nian.

Objetivu sorumotu ida neê, hodi koalía kona-ba dezvoltimentu kooperasaun iha área Ensinu Superiór entre Governu Jiangsu no Ministériu Ensinu Superiór, Siénsia no Kultura.

Governu Jiangsu iha interese atu haforsa kooperasaun tamba iha ona esperiênsia positivu tebes ho Nasaun CPLP nian.





MINISTRU HALA'Ó SORUMOTU HO SRA. CAROLINE NGUYEN, DIRETÓRA BA EUROPA, ÁZIA, PASÍFIKU NO RAIN AMÉRIKA LATIN BA PROGRAMA MCC

DÍLI, KINTA-FEIRA, 02 MAIU 2019: Ministru Ensinu Superiór, Siénsia no Kultura (MESCC), Longuinhos dos Santos, hala'ò sorumotu ho Sra. Caroline Nguyen, Diretóra ba Europa, Ázia, Pasífiku no Rain Amérika Latina ba Programa Millenium Challenge Corporation (MCC) nian.

Objetivu prinsipál husi sorumotu ida ne'e, hodi diskute kona-ba prioridade Ministériu Ensinu Superiór, Siénsia e Kultura ba MCC nian.

Sorumotu ida ne'e, hala'ò iha Sala Reuniaun husi Ministériu Ensinu Superiór, Siénsia no Kultura no hetan partisipasaun husi Diretór-Jeral Administrasaun no Finansa, Diretóra Jerá Ensinu Superiór no Siénsia no asesór sira.



MINISTRU ENSINU SUPERIÓR, SIÉNSIA NO KULTURA SIMU VIZITA KORTEZIA HUSI MINISTRU EDUKASAUN NO KULTURA INDONÉSIA

DÍLI, KUARTA, 25 ABRIL 2019: Ministru Ensinu Superiór, Siénsia no Kultura (MESCC), Longuinhos dos Santos, simu vizita kortezia husi Ministru Edukasaun Kultura Indonesia, Prof. Dr. Muhajir Effendy ho nia delegasaun,, iha edifisiu Ministériu Ensinu Superiór, Siénsia no Kultura.

Objetivu husi vizita ida ne'e, atu diskuti kona-ba possibilidade dezenvolve projetu kooperasaun iha área kultura nian entre Ministeriu Edukasaun no Kultura Indonesia ho Ministériu Ensinu Superiór, Siénsia no Kultura Timor-Leste.



MINISTRU HO SEAK HALA'O ENKONTRU INFORMAL HO S. EXA. PRIMEIRU MINISTRU

DÍLI, KUARTA, 30 JANEIRU 2019: Ministru Ensину Superiór, Siénsia no Kultura (MESCC), Longuinhos dos Santos, akompaña husi Sekretáriu Estadu Arte no Kultura (SEAK), Teófilo Caldas, hala'o enkontru informal ho S. Exa. Primeiru Ministru, Sr. Taur Matan Ruak iha Palásiu Governu.

Enkontru informal ida ne'e, iha objetivu atu Xefe Governu bele rona Ministru no SEAK kona-ba implementasaun atividade husi Ministériu no atu fó sujestaun hodi oinsá bele hadia di'ak liután efikásia husi servisu sira iha Ministériu Ensину Superiór, Siénsia no Kultura.





MINISTRU HALO ENKONTRU HO MOP ATU SOLISITA APOIU HODI HALO REVIZAUN DEZEÑU TÉKNIKU BA KONSTRUSAUN INSTITUTU POLITÉKNIKUSIRANO AKADEMIA PESKAS NO ESTUDUS MARIÑUS

DÍLI, SESTA, 15 FEVEREIRU 2019: Ministru Ensinu Superiór, Siénsia no Kultura (MESCC), Longuinhos dos Santos, akompaña husi Sekretáriu Estadu Arte Kultura (SEAK), Teófilo Caldas, halo sorumotu ho Ministru Obras Públicas (MOP), Salvador Eugénio Soares dos Reis Pires, iha Salaun Enkontru Ministeriu Obras Públicas, Kaikoli.

Ministériu Ensinu Superiór, Siénsia no Kultura apresenta dezeñu tékniku ba harii Institutu Politékniku iha Lospalos no Same, no Akademia Peskas no Estudus Mariñus nian ida iha Manatutu, no husu apoiu tékniku husi Ministériu Obras Públiku atu halaõ revizaun dezeñu hirak neê, neêbé Institutu Politékniku Bandung halaõ ona iha tinan 2015, ho objetivu atu haree fila fali valór orsamentu hodi implementa projetu refere.

Partisipa iha enkontru ida neê, Diretóra-Jeral Ensinu Superiór, Siénsia no Teknolojia, Diretór Nasionál Ensinu Superiór Tékniku, funsionáriu tékniku no assesór sira.



Ministru Ensinu Superior, Siénsia no Kultura iha Serimónia Graduasaun Mestrado Universidade da Paz (UNPAZ)

Pprimeiru, hakarak hatoo hau nia kumprimentu ba Reitor Universidade da Paz, Prof. Dr. Lucas da Costa, Vice Reitores, Dekanu, vise-Dekanu sira, Dosente, Estudante no comunidade tomak edukativu Instituisaun ida ne'e nian.

Aprezenta ha'u-nia respektu boot ba Maun Boot Kay Rala Xanana Gusmão ho onra ba nia prezensa iha loron espesial ida ne'e.

Kumprimentu ida ne'ebe espesial mos ba 56 Graduadu husi kursu Mestrado ne'ebe prienxe rekizitu akademiku Universidade no rekizitu administrativu define tiha ona husi governu.

Ida ne'e ba ha'u hanesan onra boot ida ne'ebe hodi marka prezensa iha serimonia graduasaun ba Kursu Mestrado, nu'udar Ministru Ensinu Superior, Siénsia no Kultura, no bele hatoo liafuan ruma. Representa hoksolok boot tebes hodi marka prezensa iha loron Dies Natalis ka aniversariu Universidade da Paz nian.

Universidade da Paz ne'e fo ona kontribuisaun importante ida ba realizaun meta kona-ba Planu Estrategiku Dezenvolvimentu Nasionál, ne'ebe mak estabese ona, hanesan refere katak too tinan 2030,

“graduadu sistema ensinu superior sei hetan kualifikasaun no matenek avansadu ne'ebe presiza atu iha kbi't bele

analiza, dezeń, harii no mantein infrastrutura, sosiál no ekonómika Timor-Leste nian “.

Halao kursu Mestradu iha área sira ne'e hanesan Direitu, Administrasaun Públika nian, Relasaun Internasionál, Siénsia no jestaun Bankária, Saúde Públika no agrikultura mak importante tebes atu ita bele hatán ba dezafiu atu ita bele kapasita rekursu umanu ne'ebé kualifikadu.

Exselentísimu konvidadu

Governu Konstitusionál ba dala walu (VIII) nian kria Ministériu Ensinu Superiór, Siénsia no Kultura nian ho objetivu atu tutela ho diretu no ho rigór boot liu iha área ensinu superior nian, tanba nu'udar área estratéjika importante ba dezvoltimentu sustentável iha ita nia Nasaun.

Infelizmente, ita hotu hatene katak sei iha dezafiu barak, liu-liu iha nível kapasitasaun rekursu umanu no kriaun infrastrutura ne'ebé tulun ita atu garante kualidade edukasaun ne'ebé ita hotu hakarak.

Ita nia populasau ne'e aumenta konsistentemente desde restaurasaun ba ita nia independénsia hahu iha tinan 2002, taxa anuál liu 2%.

Tuir Sensus tinan 2015 nian, total populasau nasaun nian mak, Millaun Ida, rihun atus ida walunulu resin tolu, atus neen haat nulu resin tolu (1.183.643), tanba ne'ebé populasau menus husi tinan 18 mak 48.7%.

Sirkunstánsia hirak ne'e reprezenta, tamba ida ne'e de'it, iha presaun maka'as kona-ba sistema edukativu, maibé ida ne'e mós hatoo nu'udar poténsial ida boot tebes ba dezvoltimentu mão-de-obra iha futuro, ne'ebé kualifikadu, bele lori nasaun ne'e ba períodu ida, ne'ebé iha produtividade no kresimentu ekonómiku ne'ebé a'as.

Exselentísimu konvidadu

Ida ne'ebé iha relasaun ho ensinu superior mak dezafiu prinsipál ida mak kualidade. Kompete ba Ministériu Ensinu Superiór, Siénsia no Kultura dezvoltolve no implementa lejislasau, estratéjia no política, ne'ebé promove kualidade, rigór no eziyénsia ba kursu sira no instituisau ensinu superiór.

Dezvoltimentu husi kualidade ensinu superiór eziye

parseria ida entre Governu no instituisau privada sira. Tanba razaun ida ne'e, Governu hakarak atu reforsa kooperasaun ho instituisau acreditada pública no privada no hakarak implementa Konsellu Reitores, nu'udar órgaun konsultivu ne'ebé sai hanesan forum ida ne'ebé instituisau hotu-hotu bele kontribui iha definisaun ba medida no asaun atu implementa iha Ensinu Superiór.

Governu Konstitusionál ba dala walu (VIII) ne'e hakarak atu:

- elabora no aprova Lei Baze espesífiku kona-ba Ensinu Superiór;
- defini lejislasau ne'ebé atu implementa kurikulu ba padraun mínimu;
- aprova política nasional ba ensinu Superiór nian ne'ebé bele regula funsionamentu sistema ensinu superiór, inklui finansiamentu;
- promove formasaun dosente sira hosi instituisau privadu sira, liuliu iha formasaun iha lian ofisiál, Tetun no português, atu garante kualidade kapasitasaun ba estudante no kumpre Konstituisau no Lei Baze edukasaun nian.
- reforsa kondisaun sira kona-ba rekursu umanu no materiál husi ANAAA no INCT, ho objetivu atu garante kualidade ensinu no promove atividade peskiza sientífika no akadémika ba ita nia dosente iha ensinu superiór;

Exselentísimu konvidadu sira

Atu remata, hakarak de'it atu hatoo apresiasau ba kontribuisau Universidade da Paz nian iha dezvoltimentu ensinu superiór nasional, hodi asegura formasaun akadémika ba estudante sira ho lema “Sapientiae et Humanismu” no transmite kompeténsia no kapasidade atu bele kontribui ba Timor-Leste sai hanesan sosiedade ne'ebé justu no ekuitativa.

Ha'u fó parabéns tomak ba estudante sira husi Kursu Mestradu ne'ebé maka ho susesu iha etapa ida ne'e no ha'u fiar katak ho kursu ne'ebé ita-boot sira hetan bele kontribui ativamente ba dezvoltimentu ita-nia Rai.

Obrigado Barak.



Intervensaun husi Ministru Ensinu Superiór, Siénsia no Kultura iha Serimónia Graduasaun IOB nian-18 fulan-maiu tinan 2019

Uluk nia nai, ha'u hato'o hau-nia respeitu ba Xefe Prinsipál ba Negosiasaun Fronteira Maritima, Maun Bo'ot Kayrala Xanana Gusmao.

Ha'u mós hakarak hato'o ha'u-nia respeitu no kumprimentu ba Magnífiku Reitor husi Institutu of Business (IOB), Vise-Reitor, Dekanu, Vise-Dekanu, Dosente no Estudante sira hotu husi Instituisaun ida ne'e. Ha'u hakarak mós hato'o ha'u-nia kumprimentu espesial ba estudante sira husi Faculdade Economia no Faculdade husi Informasaun, Komunikaun no Teknolojia, hamutuk 184, ne'ebé ohin gradua, no mós ba sira-nia familia. Hola knaar hanesan Ministru Ensinu Superiór, Siénsia no Kultura, hodi marka prezensa iha serimónia ida ne'e, bele dehan sai hanesan onra boot ba ha'u.

Señora no Señor sira no konvidadu sira tomak mak hau respeitu, Instituisaun Ensinu Superiór iha knaar importante tebes iha kapasitasaun ba rekursu umanu sira no ba dezvoltamentu nasionál, liu husi promosaun inovasaun, kriatividade no peskiza sientífika. IOB fó ona kontribuisaun importante hodi Timor-Leste bele atinje meta ne'ebé estabelese iha Planu Estratéjiku Dezvoltamentu Nasionál, hanesan to'o tinan 2030, "graduadu sistema ensinu superiór tenke iha kualifikasaun no matenek avansadu, ne'ebé presiza atu analiza, dezeña, harii no mantein infraestrutura, sosal no ekonómika Timor-Leste nian."

Hanesan ita hotu hatene katak, dezafiu prinsipál husi ensinu superiór mak kualidade. Dezvoltamentu kualidade iha ensinu superiór eziye servisu hamutuk ka parseria entre Governu no Instituisaun Ensinu Superiór públika no privada sira. Ministériu Ensinu Superiór, Siénsia no Kultura hakarak, iha tempu badak, formaliza implementasaun Konsellu Reitor, nu'udar órgaun konsultivu no fórum ida ne'ebé promove diskusaun kona-ba opsaun oin-oin atu hadi'a kualidade ensinu superior nian.

Ensinu Superiór mós hasoru dezafiu barak, no ita hotu hatene katak ita presiza foti medida konkreta hodi nunee Timor-Leste bele iha politika ka orientasaun ida klaru ba área Ensinu Superiór. Ho razaun ida ne'e no tamba sai hanesan rekomendasaun husi 3.º Kongresu Nasionál Edukasaun, ne'ebé realiza iha tinan 2017,

VIII Governu Konstitusionál hakarak aprova Política Nasionál ba Ensinu Superiór nian, ne'ebé bele sai hanesan matadalan ba implementasaun medida política sira iha kurtu no médiu prazu. Ministériu hakarak tulun ANAAA atu hala'o akreditasaun no avaliasaun ne'ebé sériu, justu no transparente, sem iha intervesaun política.

Ita presiza define mós sistema ida ne'ebé justu ba finansiamentu Instituisaun Ensinu Superiór privadu. Sistema ida, ne'ebé promove méritu no kontribui ba dezvoltamentu ne'ebé efektivu husi instituisaun hirak ne'e, hodi asegura no hadi'a kualidade husi dosente, kurríkulu no infraestrutura sira. Aspeto sira seluk sai hanesan importante tebes relasiona ho atividade sira investigasaun no peskiza nian. Ita presiza insentiva dosente sira husi ensinu superiór hodi hala'o atividade investigasaun ho regularidade. Ho nunee, Governu hakarak katak INCT bele iha fundu ka orsamentu ida tinan-tinan hodi finansia atividade peskiza no investigasaun. Ita fiar katak ho implementasaun medida hirak ne'e no sira seluk, sei iha possibilidade katak Ensinu Superiór iha Timor-Leste bele mos atinje meta kualidade!

Señora no Señor sira no konvidadu tomak, Hodi naran husi Ministériu do Ensinu Superiór, Siénsia no Kultura, ha'u hakarak hato'o ha'u-nia parabens ba estudante finalista sira ne'ebé remata sira-nia kursu.

Hahú ohin, graduadu sira bele partisipa iha dezvoltamentu Timor-Leste nian ho sentidu responsabilidade, servisu no esforsu, maibé mós ho entuziazmu, motivasaun no espírito emprededorismu.

Ha'u hakarak mós hato'o parabens ba graduadu sira-nia família, maske iha difikuldade suporta imi hotu nia oan atu nia bele iha oportunidade atu dezvoltar sira-nia koñesimentu akadémiku. Molok atu hakotu ha'u-nia intervensaun, ha'u hakarak, dala ida tan, hato'o parabens ba graduadu sira no sira-nia família, parabens ba dosente no dirijete sira husi IOB ne'ebé asegura formasaun di'ak ba estudante sira ne'ebé iha kompeténsia no abilitade atu bele kontribui ba dezvoltamentu nasionál. Obrigado Barak.



MINISTRU REUNIAUN HO MAGNIFIKU REITÓR INSTITUISAUN ENSINU SUPERIÓR SIRA

DÍLI, SESTA, 17 MAIU 2019: Ministru Ensinu Superiór, Siénsia no Kultura, Longuinhos dos Santos, hala’o reuniaun dahuluk ho Magnifiku Reitór Instituisaun Ensinu Superiór sira, públika no privada, iha salaun enkontru FDCH, eis edifísiu Ministério das Finanças.

Sorumutu ida ne’e hala’o ho objetivu prinsipál hodi Ministru habelar informasaun kona-ba política VIII Governu Konstitusionál nian no fó biban ba Reitór sira hodi koalía kona-ba sira-nia preokupasaun no apresenta sujestaun balun ne’ébê pertinente atu bele kontribui ba hadia qualidade iha Ensinu Superiór. Sorumotu ida ne’e fó mós inísiu ba sorumotu Konsellu Reitór hanesan fórum konsultivu ba dezvoltimentu setor Ensinu Superiór.

Partisipa iha reuniaun ne’e, Magnifiku Reitor husi Instituisaun Ensinu Superiór, hamutuk 12, ne’ébê mak hetan ona lisensa operasionál, Sekretariu Ezekutivu FDCH, Diretora-Jeral Ensinu Superiór no Siénsia, Diretór-Jeral Administrasaun no Finansas, tékniku no assessor sira.

BULETIN SEAC

PLANU INPORTANTE
NEBE SEI REALIZA
HUSI SEAK ba FUTURU



VIZITA SEKRETÁRIU ESTADU ARTE NO KULTURA IHA MUNISÍPIU AINARO

Iha loron quinta feira 25 Abril 2019, Sekretáriu Estadu Arte no Kultura (SEAK), Teofilo Caldas ho Ekipa halaʻo viajen ba Munisípiu Ainaro hodi partisipa iha atividade neʻebé realiza husi Ajénsia Internasional ba Kultura UNESCO iha Timor-Leste, liuliu Semináriu ho tema “Prezerva Kultura Hodi Kontribui Ba Dezenvolvimento Sustentável”.

Iha vizita ida neʻe, S.E. Sekretáriu Estadu Arte no Kultura halaʻo sorumotu ho Adjuntu Administrdór Munisípiu Ainaro no haree fatin sagradu iha Fat-Maria hodi hasaʻe orasaun.




SEKRETÁRIU ESTADU ARTE NO KULTURA PARTISIPA IHA SORUMOTU MINISTRU KULTURA CPLP IHA CABO VERDE

Iha loron 12 fulan-abríl tinan 2019, iha sidade Praia - Cabo Verde, Sekretáriu Estadu Arte no Kultura, Teófilo Caldas, partisipa iha sorumotu Ministru Kultura CPLP nian ba dala sanulu resin ida (XI), neêbé halaʼo iha Cabo Verde.

Sorumotu ida neê hetan mós partisipasaun husi membru Governu sira na'in ha hosi Estadu-Membru sira, hanesan: Ministru Kultura no Indústria Kriativa Cabo Verde, Ministra Kultura Angola, Ministra Kultura Portugal, Sekretáriu Estadu Juventude, Kultura no Desportu Guiné-Bissau. Estadu-Membru sira seluk, hanesan Brasil, Guiné Equatorial, Moçambique no São Tomé e Príncipe, hetan representasaun hosi Embaixadór neêbé hela iha Cabo Verde.

Objetivu prinsipál sira hosi sorumotu neê mak halo avaliasaun ba implementasaun Planu Estratéjiku Kooperasaun Kulturál Multilaterál CPLP nian (2014-2020), identifika atividade sira atu implementa durante períodu Prezidência Cabo Verde CPLP nian (2018-2020) no promove hametin relasaun ho Organizasaun Internasionál sira iha área kultura.



Ministériu Ensinu Superior, Siénsia no Kultura
Edifício Casa Verde, Dili, Timor-Leste
(Eis Edifício ALFANDEGA)

© MESCC

Buletin MESCC No. 01/ Juñu 2018 - Juñu 2019

Órgaun sira ne'ebé depende ba MESCC:

Universidade Nasionál Timor Lorosa'e – UNTL, Institutu Politékniku Betanu; Institutu Nasionál Siénsia no Teknolojia, Komisaun Nasionál – UNESCO; Ajénsia Nasionál ba Avaliasaun no Akreditasaun Akadémika (ANAAA), Sekretariadu Tékniku Fundu Dezenvolvimentu Kapitál Umanu nian; Unidade ba Implementasaun Akademia Artes, Kultura no Indústriia Kriativa Kulturál sira; Komisaun ba Akompañamentu Akademia Artes, Kultura no Indústriia Kriativa Kulturál sira; Biblioteca Nasionál Timor-Leste no Muzeu Nasionál Timor-Leste